



中國東方文化研究會歷史文化分會策劃  
四庫全書存目叢書補編纂委員會編纂  
北京愛如生文化交流責任有限公司贊刻

齊魯書社出版

# 四庫全書存目叢書補編

第一九冊

# 補編第十九冊目次

廣廣文選二十四卷(一)

〔明〕周應治輯  
清華大學圖書館藏明崇禎八年周元孚刻本

.....

廣廣文選二十四卷(一)

〔明〕周應治輯

清華大學圖書館藏明崇禎八年周元孚刻  
本

廣廣文選序

南新市人李維楨誤

文之有總集也自晉摯虞始虞以  
爲建安之後衆家集日滋廣覽者  
憚勞自詩賦下各爲條貫合而編  
之爲文章流別繼虞而作者有集  
林集苑集鈔集畧文苑而後昭明  
廣廣文選序  
文選出焉類三十有七爲卷三十  
與昭明同時復有詞林文海而獸  
文選傳迄今不衰則以選故其可  
以選而選所無可以無選而選所  
有人各執意見爲公舍而陳同備  
補遺劉介夫廣選出焉遺不盡補  
選不盡廣而周君衡廣廣文選出

馬同備目財十有五以詔令奏疏  
列詩賦前其評騭大義率出於文  
之外介夫所廣有璽書有賜書有  
策有敕有諭有疏有封事有議有  
對策有問有記有傳有說有哀詞  
有祝文有雜文其於馬班范陳四  
史間采一二傳則因昭明史論史

廣廣文選

三

述贊而廣之者也鬻管莊列荀韓  
呂覽鴻烈左氏春秋傳國語有成  
書矣而或采其一二篇則又因史  
傳而廣之者也昭明序有戒有誓  
有符有篇而中缺焉君衡增四目  
因昭明而廣之者也篇所采畧晏  
孫商賈陸以逮魏劉諸子因介夫

而廣之者也有誥有敕文有移有  
章有訓有體有議有解大段不殊  
眉目小別因其名而廣之者也有  
辭有繇辭目同昭明而體則異因  
其目而廣之者也昭明難附乎檄  
移文附于書介夫自序合于序今  
皆析之亦因其名而廣之者也史

廣廣文選

三

志詔令不錄以為不勝廣也其例  
十有四凡二十有四卷自伊耆氏  
以逮于隋而止隋以下不錄以為  
不必廣也蓋宋人求多于昭明者  
評選為拙陋而同備之說狎出選  
幾於不振余竊不謂其然昭明所  
選者文耳文之外為人文之內為

事其是非美惡固所不論彼補者  
與廣者其人寧盡美而無惡其事  
寧盡是而無非而何責於昭明如  
以文而已矣夫安得無廣也成周  
盛時和之弓兂之戈垂之竹矢胤  
之舞衣與河圖大訓並陳東西序  
今所裒即不敢儷河圖大訓不猶

廣廣文選

四

愈于舞衣弓矢乎夫安得無廣也  
孔子刪詩為三百篇唐棣素絢之  
句復采而載之論語昭明所選寧  
渠比于孔子所刪而謂無復可收  
者乎夫安得無廣也隋牛弘謂孔  
子後文字有五厄其四在昭明前  
為秦為莽為漢末為東晉昭明之

後六厄弘所見者一所未見者五  
為湘東為隋煬為安史為黃巢為  
女真為蒙古古文幾盡矣後之六  
厄甚於前四厄四厄之所遺幸而  
選於昭明其不選者經六厄又幸  
而存于今使昭明在當亟收之夫  
安得無廣也按梁書昭明傳嘗撰

廣廣文選

五

古今典誥文言為正序十卷五言  
詩善者為文章英華二十卷文業  
以選稱矣選之外復有二集無亦  
廣選所未備乎陳劉兩家所集又  
寧無與二集相出入者乎原昭明  
之意引而伸之夫安得無廣也歷  
代藏書之富其在昭明先後相及

可考見者宋謝靈運四千卷有奇  
齊王亮謝朓一萬八千有奇梁湘  
東七萬有奇隋嘉則殿唐弘文館  
或至二三十萬後人疑其虛妄大  
都六朝著作居十之六七或有重  
複猥雜而釋老之書復羈其中約  
以二萬卷為準此總集之體在四

廣廣文選

六

部中第十之一耳此十之一者于  
今所存第百之一耳今之視六朝  
猶昭明時之視三代兩漢也六朝  
所不忍遺而况三代兩漢片言隻  
字留在人間其可棄乎夫安得無  
廣也國家文命敷于四海垂三百  
季而石渠金匱所儲圖史竹素較

前代執文志不無小遜君衡轍還  
天下非朝夕矣上之秘閣中之鄴  
架下之名山遠之金石幽之冢藏  
蠹食煨燼之餘靡所不漁獵探討  
而始就此茶陵大庾因是以彌縫  
其闕而匡救其所不及豈惟二氏  
即昭明復起兩相得而各有合豈

廣廣文選

七

廣廣文選序

夫登山采木豫章之材雖窮入海  
求珠岱洞之寶無盡扶輿秀泝  
蟠結而爲人文泰媪英靈發抒而  
爲辭藻陶寫三寸元氣淋漓而奔  
命刻雕萬品玄造脇息以避權登  
宰經綸須臾言傳其命脉詰民

廣廣文選序

一

道德待寸管扶尔精微是故孔  
門文學儼然列於四科宣聖躬  
行何嘗不脩六籍腹笥辭經秦  
氏灰中括出遷書固史漢翁馬上  
收來帝基西北文章之渾厚穆  
如王氣東南江左之英華益烈  
有梁蕭統文章宗工下上千百年

間哀集古今靈詰命曰文選系以昭  
明收采頗嚴精瑩未博後人乃悞  
而廣之之既張弥天之網飛走悉  
羅披括地之圖黃輿盡掩矣余友周  
君衡氏復身作蠹魚室年萬卷  
之中足騁神駿極目四游之外蒐  
羅放失陋胥臣之多聞尋討遺

廣廣文選序

二

亡義鄭僑之博物廣其選者已驚  
山海之可加今選者咋舌廣其廣  
者益歎天壤之何限俾廣者搖魂  
方聞廣之名未悉云々之自謂欲  
尋而烏有即苦搜能幾何及覽  
周氏之臣編始信前人之未備漢  
帝尚存胡假補亡於張史差苞

若在豈復問奇於揚雄觀未央  
之閣則五侯七貴之宅陋矣瞻切  
利之宮則千門萬戶之觀小矣周  
氏之後安知不復有可廣者余請  
封以丸泥以息壤哉

萬曆癸卯春暮東海屠隆諱

真父纂

廣廣文選序

三

廣廣文選序

文選纂於昭明纔三十卷耳梅  
國廣焉倍昔者五之半余弟君  
衡復廣之儉於劉而侈於蕭已  
夫自書契既出作者代興纚纚  
洋洋溢於簡冊昭明網置千載  
漁獵百氏括才人之致而挾其  
精美具之矣廼若唐之粹宋之  
鑑元之類明之衡以彼揚扈寧  
不人和璧而家隋珠然而諸籍  
具在也提衡而論則諸家之取  
取僅足以當昭明之所棄豈人  
情貴遠而賤近與抑隆污之變  
然耶且夫百都之市珍異非乏

也至如虞氏之陶夏后氏之璜  
雖有缺折猶登上賈是何也豈  
亦有貴於古者乎然則古之所  
棄今之所取廣廣文選之輯蓋  
識古也當代操觚之家殺青布  
簡多者一二百卷少者數十卷  
雖繇獨匠無不宗本於周秦漢  
魏齊梁之文周秦漢魏齊梁之  
文夫非珞珞者耶譬之祭川則  
必先河矣迺大函氏之言曰江  
河不集而足狐貉不經而溫昭  
明之選尚矣奚必畢取其所棄  
而廣之而補之此為鈎玄者言  
猶未為通論也周秦漢魏齊梁

之籍存者寥寥吾將搜汲冢之  
所遺發二酉之所秘猶未以為  
饜也而若之何捐之然則大函  
氏之所謂瓦礫安知不為陶璜  
者耶蓋昭明意在垂後故其裁  
取也嚴君衡意在稽古故其蒐  
收也廣博聞洞覽之士必有取  
於是書云余不敏當為君衡與  
成之

萬曆庚子夏日 太子庶子兼  
翰林侍讀周應賓撰

廣廣文選自序

明朝議奏廣東布政司左叅議前來勅撰廣學學校四明廟應鑒

夫自鴻濛肇判經緯攸章青雲干呂崇光幕河龜馬洩其靈祝宛委發其真藏一時淳氣景曜期應紹至斯非玄黃之精華而神理之自然者哉六經之文與天同尊與地同厚於粲乎揭日月而恒新則信無能襲六而七矣其緒餘為漢魏為六朝鴻筆之秀相踵而起驟論朝典詳述經注恢誕章而渥辟義競美輿輦闢揆樞馬流刻商徵變幻風雲莫不論思成其藻朗亦如草樹毛羽之珎天翟澤獸奇蘊善芳皆足以振采舒秀即片詞隻語在所甄錄不可闕畧者也昭

廣廣文選自序

一

廣廣文選自序

二

明為之綜彙自周至於梁名曰文選世代雖殊文體則一其所命名總實而規萬世亦為確當劉梅國復廣之自周至於隋視茶陵之補遺檢押綜詳足為昭明忠臣使作者不致淹沒有功於文苑大矣第昭明之選自以嚴如皇缺不得濫及梅國之廣自以收如天網無復遺嘆自今觀之選操一切繩墨所遺宜多廣於漢頗詳然遺者十二晉魏而亦遺者不第十八予每讀是書竊為惜之爰乃肆力編摩旁搜散佚覓翠蘊於僻界探神香於荒憬錄以成帙名曰廣廣文選蓋梅國廣昭明而余復廣梅國之所未廣也梅國之言曰文辟之水也選之

者如渠水而聚之者也廣其選者如渠  
水而聚之海者也信斯言也九州以裨  
海環之而裨海又以大瀛海環之水於  
是有極觀梅國既廣選所未選余又廣  
廣所未廣諸凡綈園赤制隱簡祕冊擢  
麗蒼池飛映華屋咸得躬擘目購罔弗  
採撫敢謂瀛海哉亦庶幾詞淵大觀不  
至興樹漏之嗟耳方今熙代全風大氣  
鬱為人文瑤編寶錄寫奕朝徹諸作者  
皆極思邀詰憑軼周漢之上宣賁鴻業  
緝熙丕圖而輯緇文皓質應符合謀之  
霸徵曷若西雍中秘文章之富復得是  
書則天靈氏之混合乾曜古皇氏之屯  
發玄紀曄燁文治光際無臬將復見於

今而對揚厥盛是亦摘英擷茂藻潤皇  
猷之一事也

萬曆二十有四年秋八月朔題

廣廣文選議例

廣廣者廣昭明梅國所逸也蓋隨所見

撫之以俟後之復廣吾之廣者

文自鮮緇以後浩瀚靡竟如左國檀戰

諸書業有成帙且非選體不載

選在昭明允當梅國稍涉繁蕪茲集自

虞自周下逮於隋凡體格合選者彙

廣廣文選議例

一

數朝輯之與文粹之限於唐文鑑之

限於宋異也朝代異而文皆漢也唐

以後不錄

所選於漢即短篇如羊勝之屏風賦谷

永之舉薛宣疏亦在所甄若六朝連

牘數千言亦或不收豈非以短者信

如珠之遺而長者如玉屑剉絲之盈

篋與其爾雅瑰麗不詭於體者槩不  
敢遺

文選賦類有京都畋獵等目詩有述德  
勸勵等目今仍之間有增益如象數  
如時令之類不嫌蛇足

叅閱詩紀廣之於古於漢所遺者十九

今撫之猷詳於古於漢而晉以下則

廣廣文選議例

二

併收其逸焉

選有詔有令有冊有教而廣有璽書有

賜書有策有勅選有表有上書有啓

有彈事有奏記而廣有疏有封事有

議有對有問選有讚論有序有史論

有論而廣有記有說今於廣之目而

或缺焉如行狀之類於廣之外而增

廣之若盟誓若章若移若符若訓若  
誠若體若難若譏若解亦因其文之  
本來之目而列之耳

文之所廣者在於文至於理之或未醇  
分之或乖如冊齊公梁公九錫亦所  
不削至於冊陳公不載者亦二公類  
也

所廣漢之文多在所採而漢之詔令不  
能十半疏表不能十九亦以兩漢詔  
令自有全書不能盡載而疏之廣於  
梅國者已為過多補於茶陵者又為  
猥煩今於茶陵所補廣所遺者間有  
收採而魏晉以下附入焉

昭明不選莊荀諸子以繁博而事異篇

章誠然矣梅國畧撫一二則諸子亦  
不容絀如管子之問篇劉子之知人  
篇亦文之最奇詭者

廣以馬班自序入於序中固為不類今  
揭自序為一目若汲冢之古法言之  
沉雄典論之宏肆亦甚奇絕矣

諸家編書率以女之所論著次於後今  
亦因時代錯入於中以文之不能成  
門類也

史論則收三國宋齊諸書而不及陳隋  
南北史以文之出於唐之帝臣手也  
廣有傳目今不復廣者以傳莫善於史  
記無一傳不可入者詎勝其載自三  
國而下傳不能匹馬班且一傳而載

殺人去首尾序讚則不成文並載則  
不勝繁複故去此目至於志之類廣  
載班之律曆五行則馬之封禪河渠  
諸書何一不可載今並不收

四明周應治識

廣廣文選目錄

四明周應治纂

嶺南門人彭元鳴校

卷第壹

賦

象數

觀象賦

魏張淵

演腹賦

陽固

京都

廣廣文選目錄

齊都賦

魏徐幹

魯都賦

劉楨

畋獵

講武賦

隋虞世基

三月三日華林園馬射賦

周庾信

紀行

西征賦并序

宋謝靈運

南征賦

梁張縉

離思賦

晉左貴嬪

|       |      |
|-------|------|
| 思歸賦   | 南齊謝朓 |
| 歸魂賦   | 陳沈炯  |
| 思歸賦   | 魏袁翻  |
| 遊覽    |      |
| 玄覽賦   | 梁孝元帝 |
| 遊思賦   | 宋鮑照  |
| 宮殿    |      |
| 玄圃園講賦 | 梁蕭子雲 |
| 小園賦   | 周庾信  |
| 鹿苑賦   | 後魏高允 |
| 江海    |      |
| 海賦    | 南齊張融 |
| 時令    |      |
| 四時賦   | 梁江淹  |
| 七夕賦   | 齊謝朓  |
| 物色    |      |
| 水井賦   | 西晉庾綽 |
| 喜霽賦   | 傅玄   |

|            |           |
|------------|-----------|
| 雷賦         | 晉李顥       |
| 雷電賦        | 顧凱之       |
| 喜霽賦        | 陸雲        |
| 喜雨賦        | 宋傅亮       |
| 雪賦         | 周劉琨       |
| 怨曉月賦       | 宋謝靈運      |
| 卷第貳        |           |
| 鳥獸         |           |
| 文鹿賦        | 漢公孫詭      |
| 鵲賦         | 孔臧        |
| 蓼蟲賦        | 孔臧        |
| 窮鳥賦并序      | 趙壹        |
| 神龜賦        | 魏曹植       |
| 大狗賦        | 賈岱宗       |
| 鵲雀賦<br>尺璧賦 | 宋鮑照<br>曹植 |
| 舞馬賦        | 謝莊        |
| 白馬賦        | 劉義恭       |
| 舞馬賦        | 梁張率       |

|         |       |
|---------|-------|
| 狝鴻賦     | 隋盧思道  |
| 劇鼠賦     | 後魏盧元明 |
| 草木      |       |
| 柳賦      | 晉傅玄   |
| 李賦      | 傅玄    |
| 松柏賦     | 西晉左九嬪 |
| 芙蓉賦     | 宋鮑照   |
| 園葵賦     | 鮑照    |
| 和蕭子良高松賦 | 南齊王儉  |
| 和蕭子良高松賦 | 南齊謝朓  |
| 梅友賦     | 梁簡文帝  |
| 高松賦     | 沈約    |
| 桐賦      | 沈約    |
| 志       |       |
| 觀我生賦    | 北齊顏之推 |
| 感知已賦贈任昉 | 梁陸倕   |
| 答陸倕感知已賦 | 任昉    |
| 脩心賦     | 陳江總   |

|           |      |
|-----------|------|
| 辭行李賦      | 江總   |
| 述志賦       | 隋蕭后  |
| 釋情賦       | 魏李騫  |
| 述身賦       | 李諧   |
| 愍時賦并序     | 梁宣帝  |
| 愍塗賦       | 沈約   |
| 歸塗賦并序     | 宋謝靈運 |
| 悔賦并序      | 梁簡文帝 |
| 哀傷        |      |
| 孝思賦       | 梁武帝  |
| 擬漢武帝悼李夫人賦 | 宋孝武帝 |
| 傷逝賦       | 鮑照   |
| 傷心賦并序     | 周庾信  |
| 傷已賦       | 宋謝靈運 |
| 傷美人賦      | 梁沈約  |
| 論文        |      |
| 草書賦       | 晉陽泉  |
| 音樂        |      |